



## МЕСЯЦА МАРТА В 28-Й ДЕНЬ

Преподобнаго отца нашего Илариона Новаго  
и святаго Стефана чудотворца

### Стихиры, глас 4.

Подобен: Дал еси знамение:

**Ж**итие нескверно, / терпение, и кротость, / и  
любовь нелицемерну, / воздержание без-  
мерно, / всеночное стояние, / умиление Бо-  
жественно, / веру, надежду истинну в со-  
страдании, отче, стяжав, / яко Ангел пожил еси на  
земли с плотию, / Иларионе блаженне, / молитвен-  
ниче о душах наших.

Земный Ангел / и Небесный человек был еси,  
преподобне, / источник умиления, / сострадания  
струя, / пучина чудес, / грешных поручник, / мас-  
лина воистинну Божия плодовита, / елеем трудов  
твоих умащая лица, / Иларионе чудне, / верно  
восхваляющих тя.

Ум твой, просвещаемь / Божественными разу-  
мы, / телесных страстей превыше бысть, / неприме-  
шен земным, / нося начертание / и изображая в  
себе Божественную доброту, / и познаваемь весь  
Боговиднейший / содейством Духа, / Иларионе от-  
че наш, / монашествующих украшение.

Ины стихиры святаго Стефана, глас тойже.

Подобен: Яко добля:

Монах истиннейший, / звезда светлейшая / и  
источник быв умиления, / любве явился еси  
исполнен / и кроток, и тих, / сострадательен и  
смирён, / безлобив, непорочен, отче Стефане. /  
Сего ради Христос тя / преподобных поставляет  
стадом пастыря, / чудодействию почитаема.

**Б**дѣние всенѡщное / и воздержаніе неизречѣнно, / моли́тву немѡтну, / житіе́ Божѣственнo, / вѣру, надѣжду ѡскренню, / правосла́вну мѡдрость, / чѡдно пребываніе / и величайшее состраданіе, ѡтче, имѣл еси́, / и ѡмер, и прѣжде конца облиста́в во зна́мениих пресла́вных. / Тѣмже ты почитаем, преподѡбне Стефане.

**Я**ко звезду́ многосвѣтлу, / и яко со́лнце незаходимо, / и яко нѣбо одушевлѣнное, / Божѣственными чудесы́, яко звездами, украшено, / и яко цвѣтник благовѡнный, и рай сла́дости, / яко истѡчник свящѣнія, / яко превели́ка врача́ немощствѡющих, / яко па́стыря и дѡбраго нашего́ предстателя, / восхваляем ты, Стефане.

**Сла́ва, и ны́не, Богоро́дичен,  
глас и подѡбен то́йже:**

**Т**учами Ду́ха Пресвята́го, Пречы́стая, / мою́ мысль ороси́, / Я́же ка́плю ро́ждшая, Христа́, / неизчѣтно безме́рная беззакѡнія челове́ков / щедро́тами измѣвшаю, / изсуши́ истѡчник страсте́й моих / и пото́ка мя сподѡби / пи́щи живы́я прѣсно / моли́твами Твоими́.

**Крестобогоро́дичен. Подѡбен то́йже:**

**На** Крестѣ Ты́ яко узрѣ / пригвожде́на, Го́споди, / А́гница и Ма́ти Тво́я дивля́шеся, / и — что́ видѣние сие́, — взыва́ше, — Сы́не вожде́ленне? / Сия́ Ти неvéрный собо́р воздаде́ беззакѡнный, / мно́гих Твои́х чудесъ насла́дивыйся. / Но сла́ва неизгла́голанному / соше́ствию Твоему́, Влады́ко.

**Кано́н преподѡбнаго Иларио́на, егѡже краегра́не́сие: Тво́я ти́хія восхвалю́, ѡтче, нра́вы. Творѣ́ние Ио́сифа. Глас 2.**

**Песнь 1**

**Ирмо́с: Во** глубинѣ постла́ иногда́ / фараонѣтское́ всево́инство преору́женная́ сила, / вопло́щшееся́ же Сло́во всезлѡбный́ грехъ потреби́ло естъ, / препросла́вленный Го́сподь, сла́вно бо просла́вися.

**С**острада́телен, и крѡток быв, ѡтче, / и цел, и тихъ яко́ воистинну́ ду́хом, / сострада́нія Божѣствен-



наго мя ходатайством твоим, Иларионе, сподоби, / яко да воспую ты ныне, в тишине сердца моего.

**Очи́стився, отче, от детства и взем крест твой, Господеви последовал еси, / страсти телесныя воздержанием же и частыми молитвами увядил еси / и безстрастием украшаяся.**

**Восприем ты Господне иго легкое, / и, Того послушая оправданий, Иларионе преподобне, / тяжчайшее греховное отвергл еси, всеумдре, бремя, святину пристыжав.**

**Богородичен: Моих прегрешений пленницы, Владычице, расторгни, / Твоего Сына и Бога молящи, / и мучающий мя, Приснодево, грех низложит, / яко да восхваляю Тя присно, Всенепорочная, спасаемь.**

**Ин канон, святого Стефана, егже краеграни́сие: Твоя чествую, всеблаженне, Божественныя труды. Творение кир Иосифа. Глас 1.**

### Песнь 1

**Ирмос: Песнь победную поим вси Богу, / сотворшему дивная чудеса мышцею высокою / и спасшему Израиля, / яко прославися.**

**Божественную память твою, Богоумдре отче, верно празднующе, / всех Господа присно славим, / тя прославльшаго многими, Стефане, чудесы.**

**Ум твой, мановении Божественными, всеумдре, обожаемь, / всеконечно отвратися от страстей плоти / и ангела ты на земли показав, Стефане.**

**Подъял еси постничества болезни, отче, / и страсти умертвил еси плоти неудободержанныя, / и в безстрастие, яко во одежду светлу, яже одеялся еси.**

**Распен уды твои воздержанием, / Христу, отче, пожил еси, Крестом смерть погубльшему / и исцелений обильною благодатию обогатившему ты.**

**Богородичен: Зачала еси, Пречистая, неизреченным словом / вся содержащаго земныя концы и Сего родила еси, / Егже моли прилежно помилувати ны.**

### Песнь 3

**Ирмос:** *Процвелá есть пустыня, яко крин, Господи, / язЫческая неплодЯщая, Церковь / пришествием Твоим, / в нейже утвердИся мое сердце.*

**Житиé** твоé, яко солнце, возсия, преподобне, свётлыми деянии, / монашествующих лики просветИ / и демонскую тьму отгна.

**Был** еси тишайш сердцем, преподобне, и смирен дУхом, / и любвё Божественныя исполнен, / благопривётлив обычай имейя всегда.

**Каплями** твоих слез угасил еси угли греховныя, точиши же, яко прежде конца / и по концé, мудре, исцелений пучину притекающим.

**Богородичен:** *Исцели язвы души моея, Владычице, / и ума исправи движения / к волям из Тебе воплощагося Слова, молюся.*

#### Ин

**Ирмос:** *Да утвердИтся сердце мое в воли Твоёй, Христé Бóже, / Иже над водами небо утверждéй второе / и основавый на водах зёмлю, Всесильне.*

**Дéлы** честными и исправлении добродетельными, отче, просиял еси, / якоже звезда всесвётлая, монашествующих собору / и просветил еси чудесными сиянии подсолнечную.

**Силою** благодати ДУха враги безплотныя низложил еси, / и вознёслся еси благославно смиренною мудростию, / и чудес самодéлатель, отче мудре, был еси.

**Еретичествующих**, отче, уста истины слóвом заградил еси / и, гонения претерпéв, венец Божественный восприял еси, / кроме язвы быв, мудре, мученик изряднейш.

**Богородичен:** *Да Бог Человек будет, Бог бысть Человек, / из Тебé, Единоя Чистыя, начало приём Безначальный. / Сего ради Тя, Дéво, вёрнии, убожаём.*

### Седáлен, глас 4.

**Подобен:** Скоро предварí:

**Бóгу** освятил еси твою, всеблаженне, жизнь, / быв изряднейш священнодéтель, истинно Христóв, священнейше. / Тёмже, по многих и потех, и болéзнях радуяся, / к невещественным престáвил-



ся еси скїнием/ и ныне источаеши нам струї  
врачеваний.

### Слава, седáлен, глас 1.

Подобен: Гроб Твой:

Яко солнце, свѣтло возсиявши, отче, пáмьятъ  
твоя, / вѣрныхъ сердца просвещает, страсти отгоня-  
юще и тьмы изъѣмлющи. / Юже верою чїстою  
совершающия покрый, / сохрани от искушений  
житейскихъ нас, отче Стефане.

### И ныне, Богородичен:

Безневѣстная Чїстая Богородице Дѣво, / Едина  
вѣрныхъ Предстательнице и покрове, / бед, и скор-  
бей, и лютыхъ обстояний вся избáви, / на Тя  
упованіе, Отроковице, имущия, / и души наша  
спаси Божественными молитвами Твоими.

### Крестобогородичен:

Зрящи Тя, Христѣ, Всенепорочная Мати, мѣртва  
на Крестѣ простѣрта, вопіяше: / Сыне Мой, Собен-  
начальне Отцѹ и Дѹху, что неизреченное Твое сїе  
строеніе? / Имже спасл еси пречїстыхъ рукъ Твоихъ,  
Щедре, созданіе.

### Песнь 4

**Ирмос:** Пришел еси от Дѣвы не ходатай, ни  
Ангел, / но Сам, Господи, воплощся, / и спасл еси  
всего мя, человека. / Тем зову Ти: слава силе Твоей,  
Господи.

Очїстив твоѣ сердце, / честными восхожденными  
ум вперил еси Единаго Бога зрѣти доброту  
недомысленную / и отонудными светлостями оза-  
ряться.

Сказаніе словесъ Божественныхъ творя, / разум  
Божественный, отче, отгуду почерпл еси, / всем же  
предал еси благочестно, Иларионе, к тебе притека-  
ющимъ.

Глагол твоихъ сладостию сердца утиши притека-  
ющихъ к тебе, / творя бо яже учил еси словом  
благоприятнымъ, / в сострадании любовь имѣл еси,  
преподобне.

**Богородичен:** Господь Тя Госпожѹ и Владычицу  
всехъ содела, Пречїстая: / изъ Твоихъ бо ложесн

воплотіся, / от области вражия Своё создание избавив.

### Ин

**Ирмос:** Духом провидя, пророче Аввакуме, Словесё воплощение, / проповедал еси, вопия: / *внегда приблизитися лѣтом, познаешися, / внегда приити времени, покажешися. / Слава силе Твоей, Господи.*

**К**аплями священных твоих слез напоився, / древо явился еси, Стефане, плодовито, мудре, / плоды приноса добродетелей благовонныя, и чудеса безчисленна источаеши. / Тѣмже благочестно тя почитаем.

**Я**ко Божественный зрится рай, мудре, храм, / имея твоих мощей раку, цветы различныя приноса чудес, / и мѣже сердца наслаждаются верою, Стефане, / присно хвалящих тя.

**С**лепых разрешаеши и уставляеши лютыя челоуѣков недуги в славу Христову, / от Небоже, благодатию трудов обогатився, возвеличился еси, / просветился еси и прославился еси, / славо монашествующих, отче наш.

**Богородичен:** Святаѣя Богородице, освяти ны, / Яже Пресвятаго рождши плотию, уподобитися восхотѣвша челоуѣком, / и Небеснаго жительства вся покажи, Пречистая, причастиники молитвами Твоими.

### Песнь 5

**Ирмос:** Ходатай Богу и челоуѣком был еси, Христѣ Боже: / *Тобою бо, Владыко, к Светоначальнику, Отцу Твоему, / от ноци невѣдения / приведѣние имамы.*

**И**сткал еси себе спасения, преподобне, ризу / от свойственных болѣзней твоих, / сею одеаяся, и князя тьмы в студ вечный облѣкл еси.

**П**лоти сласти воздержаніем, преподобне, увядил еси / и благодать Небесную, отче, восприял еси, Иларионе, / врачевати всякия челоуѣков недуги.

**Т**вой к Богу непрестанно рuce воздеваеме / руки льстиваго, отче, благочестивыя избавиша / и всякому болящему здравіе подаша.



**Богородичен:** Крепость верных и преподобных  
была еси держава, / Тобою бо, Чистая, всем  
истекоса лучшая / и на земли живущии к Небеси  
восходят.

### Иѣ

**Ирмос:** Твой мир даждь нам, Сыне Божий: / иного  
бо, разве Тебе, бога не знаем, / имя Твое именуем, /  
яко Бог живых и мертвых еси.

Миродохновенен быв Божественными добродетельми, / источил еси, мудре, по успении миро  
благонное, / удивляемь верными человеки, любовью  
чествующими тя.

Величайшими показании чудес страшных, Стефане  
всемудре, просиял еси / и прежде смерти, досточудне,  
и по изшествии, / и священном твоём погребении.

Свято совершив твоё житие о Христе, Стефане  
Богумудре, отче наш, / со святыми вселился еси / и  
ныне освящаеши верою чествующия тя.

**Богородичен:** Родши, Пренепорочная, Бога  
Еммануила, / Человека яве за милосердие бывша, /  
Сего моли яко Человеколюбца, Чистая, ущедрити  
согрешшия.

### Песнь 6

**Ирмос:** В бездне греховней валяясь, / неизследную  
милосердия Твоего призываю бездну: / от тли,  
Боже, мя возведи.

Умертвився, Иларионе, миру всему, / ныне живещи,  
преставився в Небесныя храмы / и живонное  
всегда исцелений источаеши действо.

Благозванен, кроток, незлобив, непорочен, / и  
преподобен, и благоумилен, и тих духом / был еси,  
отче пребогате.

Состраданием безмерным украшаемь / и нищелюбия  
доброю чествуемь, / Божий угодник ближний,  
Иларионе, показался еси, всеизрядне.

Яко честно твоё житие и непорочно, / яко предобр  
и красен нрав твой, / яко страшна чудеса,  
яже совершаеши всегда, всечудне.

**Богородичен:** Чертог Божий нескверный, / престол  
огнеобразный Вседержителя, / Богородицу,  
вси роди родов, ублажаем.

**Ии**

**Ирмос:** Пророка Иону подражая, вопио: / живото мой, Блаже, свободи из тли / и спаси мя, Спасе мира, зовуща: слава Тебе.

Исправляеши, отче, хромья, воочаеши слепья, / ходити же твориши разслабленныя, о Христе, / и отгоняеши лукавья дүхи, Стефане преподобне.

Струя истекает присто, яко от источника чиста, / от честныя твоея раки исцелений богато, блаженне, / страстей изсушающи всяк поток.

Чуден чудоделатель и пастырь истинен, отче Стефане, явлься, / сохраняй присто стадо твое, / еже совокупил еси многими поты твоими.

**Богородичен:** На Тя, яко дождь на руно, сошед, Богородице, Спас, / изсуши яве токи безбожия, / души же напоив присто чтущих Тя.

**Песнь 7**

**Ирмос:** Богопротивное веление беззаконно-ющаго мучителя / высок пламень вознесло есть, / Христос же простре Богочестивым отроком росу духовную, / Сый благословен и препрославлен.

Оружии уязвил еси твоих подвигов безплотнаго змия / и всеконечно истребил еси. / Темже чудес почесть восприял еси, / страсти лютейшия душ же и телес исцеляти, преподобне.

Слово твое происходит, якоже роса, отгоня зной уныния, преподобне, / приходящих тебе верою, отче наш, / и добродетельными твоими присто просвещая нравы дүхом.

Страстей самодержца ум сотворив, яве царствовал еси, яко победитель изряден, / и языки иноплеменныя поборил еси, / и изгубил еси, мудре, демонов страсти всепагубныя.

Не поколебаша, преподобне, твоего сердца столпа недвижимаго искушений ветры, / на камени бо утвердися Господни любве, / еюже укрепляемь, многим был еси Божественное, отче, утверждение.

**Троицен:** Пою Тя, Тричисленную Лицы, Троице Пресущественная, / нераздельну, неслиянну Единицу, естеством же недомысленну, / Единого Вседержителя Бога — Отче, Слове и Душе Святый.

**Богородичен:** Образы Тя издапча прооб-



разоваше / благодать Духа пророческими проповеданиями, / гору тучну святу, дверь спасительную, свиток же новейший, Чистая, / и кивот Тя именующи.

### Ин

**Ирмос:** *Сущим в пещи отроком Твоим, Спасе, / не прикоснуса, ниже стужи огонь. / Тогда трие, яко едиными усты, пояху / и благословляху, глаголюще: / благословен Бог отец наших.*

Священнодействовал еси, якоже тебе самого углием постническаго пребывания, / весь Христо-во показался еси, отче, благовоение / и верных лица благовоинствуеши присно, чудодествуя паче ума.

Православия сияя блистания, отгнал еси тьму ересей, мудре, / и, гонения на лета множайшая претерпев, мученик без крове был еси. / Темже верно тя восхваляем.

Терпение стяжав многое, воздержание, веру и любовь истинну, / явился еси отец сирот, вдовиц предстатель сострадательен и смирен, / Стефане, монахов славо и похвало.

Твоему удивися полк злоумных всенощному стоянию и молитвенному пожданию, / слезам и воздыханию к Зиждителю истинней любви, / ими же низложил еси тех, Стефане, коварствия.

**Богородичен:** *Како питаеши млекоу Сына безотча, / питающаго всяко дыхание, Мати Чистая? / Како на руках носиши содержащаго вся? / Паче ума чудо Твое. / Тем поем присно величия Твоя.*

### Песнь 8

**Ирмос:** *Пещь иногда огненная в Вавилоне действия разделяше, / Божиим велением халдеи опаляющая, / верныя же орошающая, поющая: / благословите, вся дела Господня, Господа.*

Привременную оставив жития славу, отче, и претекающее наслаждение, / славу же неотъемлему и пищу немимотекущую на Небесех восприял еси, всеумдре, / со всеми, боящимися Господа.

Все твое, сетуя, прошел еси житие, / тем блаженства сподобился еси и утешения, емуже причащаются святии, / в земли кратких, радуяся, ныне,

преподобне, вселился еси, / яко смыслен же и разумен.

**Честна** твоя пред Богом явися смерть, отче священнейше: / Того бо почтил еси икону и гонения претерпел еси, / оскорбляемь от мучителей, преподобне, / мученик в сем показуяся.

**У**ставил еси яве ловцев, отче, негодование / и умножил еси сих ловления, иже прежде не получиша, / Богу послушавшу, преподобне, молитв твоих, священнодейственно всеблаженне.

**Богородичен:** Скверны мя страстей и кала греховнаго, Богорадованная, отмый / и дверь мне отверзи покаяния, поползшемуся, / и содержно прегрешеньми, Чистая, сретяющемуся, и Бога прогневающему.

### Ин

**Ирмос:** Егоже ужасаются Ангели и вся воинства, / яко Творца и Господа, / пойте, священницы, прославите, отроцы, / благословите, людие, / и превозносите во вся веки.

Преподобно преподобная, всеблаженне, совершая, / преподобным сочтался еси и всем избранным, / с нимиже ты почитаем и раце мощей твоих поклоняющеся, / Стефане отче Богоносе.

**У**ма чистоту стяжав, мудре, / Духа зеркало был еси красно, Сего явления приемля / и люди просвещая твоими учении.

**В**идится преславное, всеблаженне, тобою, всемудре, совершаемое: / от единого бо твоего жена видения / присутаго ей недуга отрешися, право шествоваше.

**Троицен:** Воспойм Безначальнаго Отца, и Сына, и Духа Святаго, / нераздельное начало, присносущную державу, Триипостасное Естество, / едину славу и едино Царство.

**Богородичен:** Воплощся Безплотный из Тебе боголепне, / Егоже моли, Пречистая, страсти плоти моея умертвити / и оживити мою умерщвленную душу грехми.

### Песнь 9

**Ирмос:** Безначальна Родителя Сын, Бог и Господь, / воплощся от Девы, нам явися, / омрачен-



ная просветити, собрати расточенная. / Тем всепетую Богородицу величаем.

**В**рачевания гроб твой Духа благодатию источая, / изсушает страстей тучи, духи отгонит прелести / и просвещает всех сердца, Иларионе преподобне, / верно блажащих тя.

**Я**ко шипок, процвел еси в цветнице пощения, / яко сладковонный крин, яко яблоко благовонно, / и облагоухал еси всех благочестивых души и сердца, Иларионе славне, / молитвенниче о благохвалящих тя.

**С**острадание имел еси, любовь, и смирение, и милостыню, / и обычай прост, веру истинну и надежду, / житие честно и нрав прав, Иларионе преподобне, монашествующих удобрение.

**П**амять твою днесь, яко солнце, возсия, / благочестивых сердца светлостью болезней твоих / и чудес сияньми яко воистинну просвещаючи, отче, / в нюже вся помяни, верно чтущия тя.

**Богородичен:** Глас Тебе приносим Гавриїлов, радующееся: / радуйся, глаголюще, место священния; / радуйся, преподобных славо и всех верных спасение, / Еяже ради обожихомся, Богородице Приснодево.

### Ин

**Ирмос:** Светоносный облак, в онюже всех Владыка, / яко дождь с Небес на руно, сниде / и воплотися нас ради, / быв Человек, Безначальный, / величаем вси яко Матерь Бога нашего Чистую.

**С**топам последуя, Богоносе, благочестно и преподобно пожившим на земли, / кроток, незлобив явился еси, / сострадательен, и смирен, и тих, Стефане, / и любве исполнен Божественныя, / сего ради тя верно восхваляем.

**Я**коже сладковонное миро, яко пречистый крин, яко шипок, отче, благоцветущ, / благовоние испущаеши от честныя твоея раки безчисленных врачеваний, / злосмраднаыя недуги отгоня верою приступающих тебе тепле.

**Т**я, пастыря Божественнаго и подражателя великаго Началопастыря Христа, / молим, Богомудре: / сущия твоего стада ныне овцы, нас спасай

от лука́вых волко́в / святы́ми ходата́йствы тво́ими  
присно.

**Всесвятая́** тво́я па́мьятъ, я́коже со́лнце ве́лие,  
возсия́вши, / свѣтло озаря́ет тварь, / ю́же соверша́-  
юще благоче́стно, вопи́ем ти, Стефа́не: / моли́твами  
тво́ими всех мы́сли озари́в, покрый и сохрани́ ны.

**Богородичен:** Грехолюбив съи́ в нераде́нии  
жив, / и Суди́ща, Чи́стая, неумы́тнаго трепещу, / на  
не́мже мя соблюди́ Тво́ими святы́ми мо́льбами,  
Богоневѣсто, неосужде́нна, / да я́ко Предста́тель-  
ницу присно ублажа́ю Тя.

**Преподобный Иларион Новый, Исповедник, игумен Пеликитский,** именуется «новым» в отличие от преподобного Илариона Великого, скончавшегося на о. Кипр в 371 году (память 21 октября). Следует отличать его и от преподобного Илариона Нового, игумена обители Далматской (†845; память 6 июня).

От ранней юности наложил на себя преподобный Иларион иноческое бремя. Уйдя в затвор, много лет пребывал в безмолвии. Отличался кротостью и смирением, был прост, благоумен и тих. Сподобившись посвящения в сан пресвитера, стал впоследствии игуменом монастыря Пеликит, находившегося близ Дарданельского пролива. Святой Иларион воспринял от Господа особую благодать — врачевать всякие недуги, совершать различные чудотворения: он исцелил сухорукого, даровал зрение

слепому, избавлял от увечья хромых, мог отгонять от нив и виноградников вредоносных тварей, мог остановить град и низвести на землю дождь во время засухи.

За почитание честных икон святой Иларион претерпел гонения и оскорбления. В Великий четверток воевода Константина V Копронима Лахондракон напал с воинами своими на Пеликитский монастырь. Во время Божественной службы он вошел в алтарь, приказал прекратить пение, поверг на землю Святые Дары и затем заковал в железные цепи 42 инока, а остальным нанес увечья. Избранные иноки были посланы на окраину Ефесской области в заточение, затворены в старой бане и преданы там насильственной смерти. Был среди них и игумен — преподобный Иларион Новый, Исповедник. Произошло это около 754 года.

**Преподобный Стефан, исповедник и чудотворец, игумен Триглийский.** Преподобный Стефан с юных лет возлюбил иноческое житие. Приняв монашеский постриг, он подвизался в Триглийской обители, которая находилась неподалеку от Константинополя. Кроткий, состраательный и смиренный, отличавшийся воздержанием, он уступил усиленным просьбам братии и стал игуменом Триглийского монастыря.

Когда император — иконоборец

Лев Армянин (813—820) воздвиг гонение на христиан и уничтожал святыя иконы, преподобного Стефана принуждали отказаться от православной веры и подписать отречение от почитания святых икон.

Преподобный Стефан не только не сделал этого, но бесстрашно обличил императора в нечестии. За это он принял многие муки, был сослан в заточение (в 815 году) и, дойдя до крайнего истощения от страданий и болезней, преставился ко Господу.





Святаго преподобномученика Евстратія,  
в Блїжних пещерах почивающаго

ВѢЧЕР

На Гóсподи, возвахъ: стихіры, глас 1.

Подобенъ: Небесныхъ чиновъ:

**И**же первее распныйся мірови волею / и всех  
страстей отсечением, / ты ныне послѣде, Вла-  
дычняго страданія сообщникъ быв, / страждеша  
страсти конечнаго умерщвления, / от иудей на  
крестѣ пригвождаемъ, / аки лѣствицею, на Небесі  
восходиши, / отнюдуже, Евстратіе, блаженне,  
призирая, / возведи наша умы к Горним / и моли  
Христа Бога / подати намъ всехъ страстей отсеченіе.

**Вторый** Илія колесничникъ / ревностию по Хри-  
стѣ явился еси, чудне: / якоже бо той царствующа-  
го обличія неистовство, / тако и ты укорил еси  
безумнаго иудея богоубійство / и от него был еси  
на крестѣ распятъ телом, / душа же твоя огненною  
колесницею востече к Небесным, / идеже радуеши-  
ся, немерцающимъ Свѣтомъ озаряемъ, / сего и мы да  
не лишимся молитвами твоими.

**Страсть** Владыки своего изобразуя, / распялся  
еси на крестѣ от иудея, / от него же копиемъ в ребра  
прободся, / возшедъ на огненную колесницу, / пла-  
менну любовь твою знаменовал еси к Богу, / Ему же  
ныне в веселии предстои, / моли о поющихъ тя, отче  
Евстратіе блаженне.

Слава, глас 2:

**На** Небесную славу присно взирая, преподоб-  
не, / воздержаніемъ первее тело свое распял еси, /  
послѣде же пригвожденны имѣя рuce и нозе от  
иудей, / желанія лѣствицу обрел еси, / еуже воз-  
шедъ к Горнимъ силамъ, / великолѣпному ты призыва-  
юще гласу: / сей есть добрый гражданинъ Небесна-  
го Сиона. / В немъ же веселяся ныне со святыми, /  
помяни насъ, чтущихъ святую твою память, / яко да  
онаго и мы наследницы с тобою будемъ.

**И ныне, Богородиченъ:** Прейде сень:

**Входъ.** Прокіменъ дне и чтенія (зри страницы  
36—38).

## На стиховне стихіры, глас 1.

Подобен: Всехвальный мученицы:

Прехвальне преподобномучениче Евстратие, / твоё житіе возложил еси добродетелей попеченіе, / песнословіем бо вернии верою Христа похваляют, / твоими покаряющеся учении, / имже утвердятся в мире, / предстоя, умоли Божественнаго Духа.

**Стих:** Честна пред Господем / смерть преподобных Его.

Богодухновенне мучениче Евстратие, / твоё житіе, убо равно Ангелом, зёмным объявися, / Небесным же, яко благовонная жертва и доброе кадило, / твоё исповедание принесёся. / И ныне молися / даровати душам нашим мир и велию милость.

**Стих:** Блажен муж, бойся Господа, / в заповедех Его восхощет зело.

Пребогате преподобномучениче Евстратие, / страстей победитель быв, / мучителя победил еси. / Венценосцем сликовствуя, блаженне, / о всех поминай, совершающих твою память. / И ныне Христу молися / даровати душам нашим мир и велию милость.

## Слава, глас 4:

Глагол пророческих не разумеша иудее, / от чрева заблудиша, / глаголюще лжу на Спаса нашего, / и поношением клятвы смерть Владычню осуждаху. / Но ты, блаженне, обличая сих богоубийство, / благословение распятием, миру всему данное, показал еси. / Тем убо беззаконнии ко кресту тя пригвоздиша / и копием ребра твоя прободоша, / не ведуще, яко ты креста ради своего / возмездие приемиши от Бога, / нечестивии же вскоре погибнут. / Они клятву древом наследиша, / ты же наслаждаешься древа животнаго, / егоже и мы причастницы с тобою да будем, / Спаса и Господа в памяти твоей, / отче Евстратие, прославляем.

**И ныне, Богородичен: Призри на моления:**

## Тропарь, глас 7:

**П**остником и мучеником явился еси похвала, / преподобне Евстратие, / прежде бо воздержав



нием плоть умертвив, / последовал еси Христу,  
нося крест свой. / Последи же и сам на крест  
вознесен быв / и копием в ребра прободен, / в руке  
Божии душу предал еси. / Колесницею огненной  
возносим на Небеса, / сугубо венчался еси от  
Христа Бога / и Спаса душ наших.

**Слава, и ныне, Богородичен.**

**НА УТРЕНИ**

**На Бог Господь: тропарь святого, дважды. Слава,  
и ныне, Богородичен.**

**По 1-м стихословии седален, глас 1.**

**Подобен: Лик ангельский:**

Страстию Владыце своему подобяся, / крестное  
древо подъял еси вселюбезно, / хулящаго же иудея  
посрамил еси Богодухновенными усты твоими, /  
тем копием ребра твоя прободает нечестивый, / ты  
же, радуясь, восходиши ко Господу своему, /  
Ему же молися о нас вину, / от любви чтущих твою  
страдания, доблемудре Евстратие.

**Слава, и ныне, Богородичен:**

Ангельское пение приношу Ти, Безневестная  
Дева: / радуйся, Обрадованная и в женах Благо-  
словенная, / приемшая во утробе безсеменно Бо-  
жие Слово, / от безсловесных дел изменшее чело-  
веки.

**По 2-м стихословии седален, глас 5.**

**Подобен: С обозначальное Слово:**

Вшшняго Иерусалима гражданина, / свидетеля  
истинна и добраго оружника Христова, доблемуд-  
раго Евстратия, / преподобных сожителя, мучени-  
ков сликостоятеля, / песньми, людие, почтим, па-  
мять его поюще: / той бо, предстоя Христу Богу,  
непрестанно молится о душах наших.

**Слава, и ныне, Богородичен:**

Вшшняго Иерусалима Царице, / Единая в женах  
Непорочная Мати, / девам венец и святых Святей-  
шая, / Троицы Святыя неотступная Предстатель-  
нице, / нас, удалившихся, Мати Божия, помилуй и  
избави от бед, Тя воспевающих.

### По полиелѣи седáлен, глас 4.

Подóбен: Скорó предварí:

Плáменем горящия любвѣ к распятому Христу разжизáемь, / дьшущаго яростию богохúльнаго евреина не убоявсь, / обличíл есí того мужемúдренне, / и законныя пáсхи\* отвержéние, благодáти пришедшей, от Писáний проповéдал есí; / сегó рáди на кресте пригвождён был есí от иудей / и, приёмъ венéц исповédания, вшел есí во двóры Небéсныя, / идеже не забúди и нас, óтче Евстрáтие.

### Слáва, и нýне, Богорóдичен:

Плáменем страстéй палíмым нам от губительных прилóгов / скорó потщíся низпослáти вóду благодáти, Пресвятáя Дéво, / и устудí огонь, во удесéх нáших горящй, / я́ко да в тишинé жизнь сию ведúще, / воскресéния Христо́ва Тебé ради насладíмся свéтло.

**Степéнна, 1-й антифóн, 4-го глáса. Прокíмен:** Честнá пред Гóсподем / смерть преподóбных Егó.  
**Стих:** Что воздám Гóсподеви о всех, я́же воздаде ми? **Всýкое дыхáние: Евангелие от Мáрка, зачáло 37.**

### По 50-м псалмé стихíра, глас 6:

Днесь горá Печёрская веселíтся, / содержа́щая мóщи тво́я, / я́ко многоцéнное сокровище, / и просвещáется зарýми тво́их страдáний, / цвёты пёсней духóвных тебе носяще и глаголюще: / угóднице Христóв, óтче наш Евстрáтие, / предсто́я всех Влады́ще, / непрестáй моля́ся о нас ко Гóсподу, / низпослáти душáм нáшим вéлию мíлость.

### Канóн, глас 1.

#### Песнь 1

**Ирмóс:** Тво́я победительная десни́ца / боголéпно в крéпости прослáвился: / та бо, Безсмёртне, / я́ко всемогúщая протíвныя сотрe, / израильтяном путь глубины́ новосодéлавшая.

Воскресéния дне и причáстник свёта хотя́ быти,

\* законныя пáсхи—т. е. ветхозаветной



преподобне, / в день страсти Владычни вознёлся еси на крест, / и сообразился еси страсти Христовей, победив мир, / и ныне, причастник сый славы неизреченныя, / веселишися, победную песнь поющи.

**Н**ичтоже в мире сем многомятежном возлюбил еси, преподобне, / яко Крест Христов, и, того имея в похвалу, со Апостолом взывал еси: / мне да не будет хвалиться, токмо о Кресте Господнем. / О немже веселишися, песнь победную поющи.

**К**о кресту пригвожден сый от иудей, всеблаженнейший отче, / пригвоздил еси вся телесныя страсти, / яко тебе со апостолом глаголати: / мне мир распятыся, и аз миру. / Темже достойно ныне с Воскресшим веселишися, победную поющи.

**О**т любострастного Египта мира сего изшед, / о кресте всебурное того безмятежно прешел еси море, святе, / вопреки же написав пригвожденныма дланьма, / погрузил еси мысленнаго фараона с воздушными вои / и ныне радуешися, победную поющи.

**Богородичен:** Любострастного мира сего изшед, аки от Египта, / возвращаюся на первая, да чреву угождаю, питаюся скотски; / даждь ми, Богоневестная Дево, поне мало уклонитися от сих, / да, свободь сый, принесу Ти хваление, победную поющи.

### Песнь 3

**Ирмос:** Еди́не, ве́дый челове́ческаго существа́ не́мощь / и ми́лостивно в не вообра́жся, / препоя́ши мя с вы́соты си́лою, / е́же вопи́ти Тебе́, Святы́й, / одушевле́нный хра́ме неизрече́нныя сла́вы Твоея́, Человеколю́бче.

**П**риидите ко Мне, труждающиеся, — Рёкшему последовал еси, отче, / и Того Крестом разгнал еси враги мысленныя, / иже, до конца побеждены, возвратишася со студом. / Моли и о нас, да и мы противу тех ополчения станем, / на сие бо о Христе утверждаемся.

**К**рест возложив на рамо, святе, / верою несумненною к Единому любвию привязался еси, да Христа приобрящещи, / и Того по желанию обрел

есї тѣсною стезею, / юже прошѣл есї, не запѣнся, / имѣй крест державу и утверждѣние.

**Облекїйся во иноческїй образ, міра обнажїлся есї, блаженне, / и, лѣгче прошѣд путь, / во обетованную зѣмлю, в Печѣрскую обитель, / точащую, аки мед и млекѣ, учѣнія Богоносных отѣц, / от нїхже напитався, был есї крѣпок, / тех учѣнием сотвори, да и мы утверждаѣмся.**

**Глаголом молитвы и постом чувственнаго врага покорїв дѹху, / смиренїем же и послушанїем мысленнаго амалїка победїв, / был есї, отче, угѣден Владѣще своему / и от Него прїял крест, оружіе непобѣдїмое, / о немже и мы утверждаѣмся.**

**Богородичен: Колѣблемь сый вражїими прилоги вѣну, / утверждѣния не имѣй аз, страстный, / к Тебѣ прибегаю, Мати Божїя: / Ты бо есї вѣрным Неборїмая Стенá, о нейже утверждаѣмся.**

### Седáлен, глас 2:

**Победоноснаго страдальца прїидїте, людіе, воспоѣм пáмьять, / пѣсньми и пѣнии день веселїя его провождающе /, от плачевнаго бо удѣлія сегѣ к некончаемей радѣсти прѣйде, / и, предстоя Владычню Престѣлу, вопїет к нам: / подражатели мне бывайте, якоже аз Христѹ, / Иже подаст всем богáтую Свою мїлѣсть.**

### Слáва, и ныне, Богородичен:

**В міре страстное житїе имѣй, / обуреваюся смертоносных вѣтров волнáми, / Кормчїя рѣждшая, Христá, / к тихому пристанищу управи живѣт мой, молюся, / и подаждь ми богáтую Твою мїлѣсть.**

### Песнь 4

**Ирмос: Гѣру Тя, благодáтию Божїею приосененную, / прозорливѣма Аввакум усмотрїв очїма, / из Тебѣ изыти Израїлеву провозглашáше Святѣму / во спасѣние нáше и обновлѣние.**

**Вѣдый, преподѣбне, невоздержанїя рáди пѣрваго во ад всѣльшагося челоуѣка, / приложїлся есї воздержанїю и пощѣнїю зѣльному / и отсюду**



стяжал имя постник, / зане словом Божиим паче,  
нежели брашном, питался еси, / поющи Христу,  
яко Всесилен.

**В**ышняго попущением пленен, святе, быв от  
половцев, / апостольски взывал еси: / свобода есть,  
иже пленяет ум свой в послушание Христова. / Тем  
в скорби не изнемогал еси, / но паче, судьбам  
Божиим дивясь, / славословил еси Христа, яко  
Всесилен.

**П**реданного Иисуса всегда нося на теле своем  
образ, / продан был еси в греческую землю, во град  
Корсун, / некоему богоубийце иудеянину, / и той  
тебе тщашеся отворотити от любви Божия, / еяже  
ради и на смерть готов был еси, поющи: / воскресе  
Христос, яко Всесилен.

**З**атворен был в темнице с прочими христианы /  
и голодом мучим от евреина, терпя, сладце рекл  
еси: / кто мя разлучит от любви Христовы? / ни  
голод, ни смерть, ни теснота — / вся бо мала суть сия  
к хотящей славе явиться в нас, поющих: / воскресе  
Христос, яко Всесилен.

**Богородичен:** Пленен был от врагов мыс-  
ленных / и близ уже сущи адовы темницы, к Те-  
бе обраща, вопию: / Мати Божия, внегда воз-  
вратиши плен души моея, / тогда язык мой веселия  
исполнится и воспоет: / воскресе Сын Твой, яко  
Всесилен.

## Песнь 5

**Ирмос:** *Просветивый сиянием пришествия Тво-  
его, Христэ, / и осветивый Крестом Твоим мира  
концы, / сердца просвети светом Твоего Бого-  
разумия / православно поющих Тя.*

**У**треневал еси любовь ко Христу, доблествен-  
не Евстратие, / противящися понуждающему евре-  
ину отступить от Христа твоего, / Иже есть  
Правды Солнце, / всем присносущную жизнь воз-  
сияющее.

**Т**воим, отче, учением вси пленницы, сущи в  
темнице, / богоубийственного евреина полеваша  
буйство / и изволиша паче голодом и жаждою  
умрети, / неже отврещися Христа, всем жизнь  
подающего.

**Полк мученик пятьдесятчисленный, глѣдом и жаждѣю убиен от жидовина, / предпослал еси, блаженне, Христу своему, / сам последи тожеде пострадаати хотя за любовь Иисуса, / всем жизнь подающая.**

**Видев окаянный, / яко измершим всем узником в темнице погуби злато / и надежду привлеченія к злочестию своему, / умысли распяти ты на кресте, / на негоже текл еси спешно, преподобне, зовый: / Христе мой, изведи из темницы плотскія душу мою.**

**Богородичен: Преблаженная Дѣво, / ущедри благодію Твоею душу мою, гиблющую глѣдом, / и насыти ю ангельским хлѣбом, / напои потоком сладости Небесныя, / да отсюду мир души моеи обрящу.**

### Песнь 6

**Ирмос: Обиде нас последняя бездна, / несть избавляй, / вменихомся, яко овцы заколенія, / спаси люди Твоя, Бже наш, / Ты бо крепость немощствующих и исправление.**

**Аки воднаго звѣря, бысть утроба беззаконнаго иудеянина, / иже хотяше ты поглотити и в число привести омраченнаго еврейскаго сонмища, / но ты, отче, дерзновенно стал еси противу того зиянія / и одолел еси тому, помощію Вышняго укрепляемь.**

**Вонъже день, возшатавшеся\*, иудее Животодава на Кресте повесиша, / тогда и тебе окаянный евреин распя; / да с Нимже страдал еси, с Тем и прославишися, блаженне, в немерцаемом свете / приемь возмездие от Спаса своего.**

**Руганием поминающе страсть Владычню сквернии богоубийцы, / якоже отцы их — Христа, / тако сии к древу крестному, ругающеся, пригвоздишя ты, отче: / но бысть им древо крестное — юродство, / тебе же, спасшемуся, — сила Божія.**

**Обличил еси праздники скверныя иудейскія, / на кресте вися, святе, не бояся их клятвы, / яко та потребися плотию пригвожденна Христа Бога / и тридневным Воскресением мир просвещашаго.**

\* шататися — неистовствовать, дышать злобой.



**Богородичен:** Яже прадедную клятву Потребившая благословенным рождеством Твоим, Мати Чистая, / благословения избранных Божиих, молю, да мя сподобиши, / Благословенная и Прославленная.

### Кондак, глас 8:

**Я**ко ревнитель страсти Владычней / и постников усердный последователь сый, / пленники учением твоим наставля, Христови привел еси, Евстратие, / и нас, плененных страстьми, мольбами своими свободи / и подражатели честному твоему житию покажи, зовущих: / радуйся, испивый сладостне чашу Христовых страданий.

### Песнь 7

**Ирмос:** Тебе, умную, Богородице, пещь, / разсмотрим, вернии, / якоже бо отроки спасе три Превозносимый, / мир обнови, во чреве Твоем всецел, / хвальный отец Бог и препрославлен.

Безумное веление иудейское, / пригвожден сый, отче, на кресте, обличил еси пророческими Писаниями / и пасхи законныя не восхотел еси вкусити, / желая причастник быти Пасхи, Яже за весь мир пожресе— / Христос Бог благословенный.

Разорение клятвы, яже от Древа, приводил еси, блаженне, от пророк сказуя, / и, вход живота на Древе крестном Животом, / висящим пред очима их, проповедуя, / посрамил еси иудеи, неведущия пети: / Боже, благословен еси.

Распеншим ты иудеем пророчествовал еси, отче преподобне: / придет вскоре отмщение на вы за кровь мою / и прочих христиан, ихже убисте неповинне, / и праздники ваша в сетование обратятся, / ненавидит бо суббот ваших Господь, в нихже отвергостеся пети: / Христе Боже, благословен еси.

Словеса твоя бьша острия стрелы беззаконным, / имиже прободаети, не степенша, но копием ребра твоя прободаша, / и отшел еси ко Источившему от прободеннаго ребра жизнь всему миру пети: / Боже, благословен еси.

**Богорóдичен:** Прободѣнну ми грехолóбным копиѣм лютаго велиáра, / скоро приложй пластырь мѣлости Твоея, Богоневѣстная Дѣво Мáти, / яко да, исцелѣв, вѣну Ти пою, Владычице: / Благословѣнна еси.

### Песнь 8

**Ирмос:** В пещи́ отроцы Изра́илевы, / якоже в горни́ле, / добротою благочестия чистѣе злата блещáхуся, глаголюще: / благословите, вся дела́ Господня, Гóспода, / пойте и превозносите во вся вѣки.

Почтите, людие, дóбраго страдáльца, / иже, вся уды прѣжде собою мысленне распяв, / последи́ чувственне от иудей распят, возопыл ко Христý: / се аз язвы Твоя́ на теле моём ношу́ и пою́ Тя во вся вѣки.

Тебѣ, óтче, на Не́бо óгненною колесницею и ко́ньми восхищенну, / изыдоша в срѣтение мученик и праведник лики, / восхвали́ша рúчныя и но́жныя язвы твоя́ и бок прободѣнный, / приѣмлюще тя в ски́нию святых хвалити Гóспода во вѣки.

Глас принесѣся к тебѣ, свѣте, от велелѣпных славы: / се дóбрый Небесный гражданин, егóже не бе достóин весь мир, / восхóдит от сýетнаго мíра к премíрным селениям / пѣти Гóспода во вся вѣки.

Сокрóвище многоцѣнное — мóщи твоя́, — преблáженне, / беззакóнный евреин хотя́ утайти, вверже в мóре, / но Бóжиим смотрѣнием обретóшася зде, в пещѣре, / и́мже поклоняющеся, прославля́ем прославльшаго тя нетлѣнием и чудесы́ / Гóспода во вся вѣки.

**Богорóдичен:** Сокрóвище многоцѣнное, дражáйшаго Исýса, / от Мáтерних недр произвѣдшая, / искупи́ дýшу мою́ от пленѣния любострáстнаго мíра, / да пою́ Тя зде и в немерца́ющем Свѣте во вся вѣки.

### Песнь 9

**Ирмос:** Óбраз чýстаго рождествá Твоегó / огнепáлимая купи́на показá неопáльная; / и ны́не на нас напáстей свирѣпеющую угасити, мóлимся, пещь, / да Тя, Богорóдице, / непрестáнно величáем.



**С**веті́ся, светі́ся, Бóжия Мáтере Печѣрская обітель, / в тебѣ бо цветуще́е дре́во возрасте́, чۇднѣй Евстрáтій, / благово́нными цветы́ страда́ннѣя укра́шен. / Красоте́ тогó и мы причáстницы да бۇдем, / поклáняемсѣя мо́щем егó и пѣсньми величáем.

**О**ткрывáяй тáйны Бóг / сквѣрных убійцев яви́ благочесті́вому царю́, / я́ко, лицемѣрствующе́, иудее́ в тáйне христиáн убивáют, / и взыде́ неправда́ на главú их: / рáвную бо смерть воспрі́яша по тво́емú прорóчеству, óтче блаже́ннейшій.

**К**рoвь тво́я, непові́нне излія́нная от иудѣ́й, / áки Áвелева, óтче, вопі́яше к Бóгу, / Йже прáведным судóм за ню наведе́ отмщѣ́ние, / и, повѣшен быв на дрѣ́ве, / тво́й мучі́тель получи́ часть со Иúдою в геѣ́нне, / тво́я же часть—Госпо́дь, / Емúже поклáняющесѣя, днесь величáем.

**К**рoвь тво́я, свѣ́те, и нелóжное прорóчество мно́гѣя пóслежде приведе́ к вѣ́ре: / собы́тіе бо тогó віде́вше, і́стинно покáявшесѣя, вѣ́роваша во Христа́, / и, крѣщесѣя, дóбре пожі́ша, и блаже́нныя сподóбишасѣя жízни, / е́яже и мы да не лиші́мся, / клáняемсѣя ра́це мо́щей тво́их и тя величáем.

**Богорóдичен:** Жízнь присносу́щную в нѣдрех Сво́их объѣмля, / от вре́менной жízни к вѣ́чной нас упра́ви Тво́им ходáтайством, Непорóчная Мáти, / и даждь́ всем зрѣ́ти невечѣ́рній день Цáрствіѣя Сýна Тво́егó.

### **Светі́лен:**

**П**рисносу́щную провídá жízнь, блаже́нне, о вре́менной нерадíl есѣ́, / вся, наносі́мая от иудѣ́й, претерпѣ́в дóблественне, / и, закóнныя пáсхи не восхотѣ́в вкусі́ти, / ко кресту́ пригвождѣ́н был есѣ́, / и, óгненною от землі́ восходя́ колесні́цею, свидѣ́тельствова́л есѣ́: / Христóс есть Пáсха нетлѣ́ннѣя, мíра спасѣ́ние.

### **Слáва, и ны́не, Богорóдичен:**

**П**рисносу́щнаго Свѣ́та Предстáтельница сýщи, Богоневѣ́стная Дѣ́во, / нам, во мрáце живúщим, предстáни и упра́ви жízнь нáшу, / да безпреткно́венно до́йдем, идѣ́же Христóс есть Пáсха нетлѣ́ннѣя, мíра спасѣ́ние.

### На хвалітех стихіры, глас 6:

Мученическими кровью свящѣнную ризу очер-  
вленіѣв, преподобне, / вшел еси во святая святых  
достойно, славне, / идеже Свет неизреченный, /  
идеже Божественная слава, / идеже глас праздну-  
ющих, / от негоже трудов твоих мученическая  
восприял еси победы, / и венец неувядающий, и  
вечнующую добрую славу, / и райское житіе,  
Евстратіе премудре, / со дерзновением молися о  
душах наших.

Мучений треволнения не поколебаша твоея  
души, / ни затворения долготы во мрачней темни-  
це, / тя сокрывающее, страдальче славне, / но, яко  
свет, возсиял еси во тьме бедствующим суетия, /  
ихже сыны дне показал еси банею крещения, /  
порождением большим и спасительным / и Боже-  
ственным пребыванием, / яко страдалец Богопри-  
ятен, премудре Евстратіе.

Кто достойно добродетелей твоих исповестъ  
победы? / Каѣ уста мучения и терпения изрекут? /  
Во обоих бо благоугодил еси Христу, Евстратіе, /  
и ныне не престаѣй моляся, угодниче, / спасти души  
наша, / яко имея, преподобномучениче, дерзнове-  
ние многое.

### Слава, глас 8:

Херувим, видев тя, на огненной колеснице / к  
Небесным грядуща, / пламенным своим оружіем  
не возбранил тебе / от древа жизни вкусити, / но с  
радостью тя приял, / мучениче Христов Евстра-  
тіе. / Темже ныне райския пищи наслаждаяся, / не  
забуди нас, память твою почитающих, / но простри  
длани, / имиже ко древу пригвожден был еси, / и  
молися о всех Творцу и Владыце, / яко да и мы тебе  
сопричастницы будем, / отче блаженнейший.

### И ныне, Богородичен. Славословіе великое и отпуст.

**Святой преподобномученик Евстратий Печерский** был родом из Киева. Он происходил из богатой семьи, но, раздав все имение, принял монашеский постриг в Киево-Печерской обители. Святой Евстра-

тий отличался кротостью и смиреніем и был, по слову сказанія о нем, «послушник преизлиха». Во время нападения половцев на Киев в 1096 году святой Евстратій попал в плен. Он оказался в крымском городе Кор-



суни (Херсонес) вместе с пятьюдесятью другими христианами, где был продан в рабство горожанину-иудею. Тот потребовал, чтобы пленники отреклись от христианской веры, угрожая в противном случае голодной смертью. Преподобный Евстратий молился и призывал всех не впадать в страшный грех вероотступничества. Через 14 дней от голода и жажды все пленники умерли, кроме святого Евстратия, который с юности привык к посту. В праздник Воскресения Хри-

стова 1097 года святой Евстратий был распят, подвергнут издевательствам и убит копьём на кресте. Тело мученика было ввержено в море, где совершились после этого различные чудеса, видя которые многие иудеи уверовали во Христа и крестились. Впоследствии мощи святого, чудесно обретенные в пещере, были перенесены в Киево-Печерский монастырь. Сведения о преподобномученике Евстратии содержатся в Киево-Печерском Патерике.

В  
ТОЙЖЕ  
ДЕНЬ

### Преподобнаго Илариона Гдовскаго, Псковоезёрскаго Тропáрь, глас 4:

**В** молитвах бóдрствуя, / пресвётлый храм Дúха  
Святáго был еси, / тёмже и чудотвóрец предив-  
ный явйлся еси, / преподобне óтче наш Иларионе. /  
О нас моли Христа́ Бóга / свётлом Божéственнымо  
познáния просветíti ны / и спасти́ дúши нáша.

**Преподобный Иларион Псковоезёрский, Гдовский** был учеником преподобного Евфросина Псковского (†15 мая 1481). Около 1460 года он основал на берегу реки Желчи, впадающей в Чудское озеро, неподалеку от Гдова монастырь в честь Покрова Пресвятой Богородицы. Обитель находилась почти на самой границе с землями Ливонского ордена, и иноки были под постоянной угрозой нападения. Первый игумен созданного им монастыря, преподоб-

ный Иларион подвизался в непрестанных трудах и молитвах, укреплял и благоустроивал монастырь. Скончался он 28 марта 1476 года и был погребен у северных врат иконостаса в Покровском храме.

Когда впоследствии в монастыре был построен храм в честь Рождества Христова, левый придел его был освящен во имя святого Илариона.

Память его празднуется также в день тезоименитства, 21 октября.

В  
ТОЙЖЕ  
ДЕНЬ

### Святáго мýченика Енравóта-Бояна, князя Бóлгарскаго (†830) Тропáрь, глас 4:

**Я** коже Áвель, от судá брáтняго смерть приял еси /  
и кровь твою пролиа́л еси́ за Искупи́вшаго ны  
честно́ю Своёю Кро́вию. / От земна́го же к Небéсно-  
му престáвився Цáрствию, / князе́ и мýчениче  
Енравóте-Бояне, / моли́ Царя́ царей о нас, прísных  
твои́х.